

Scolina equiparèda:.....

Informativa e domana del consens ence di dac sensiboi

(Domanes de enscinuazion/enscinuazion da nef/enscinuazion dantfora e enscinuazion al servije de sperlongimanet de l'orarie di bec – a.s. 2017/18)

Aldò de l'articol 13 del D.Lgs. n. 196 del 2003 “Codesc en cont de la defendura di dac personèi”, chesta la serf per fèr a saer che co la prejentazion de la domana de enscinuazion/enscinuazion da nef/enscinuazion dantfora e/o enscinuazion al sperolongiamet de l'orarie del/di bez/tec te la Scolina equiparèda l'Ent gestor de la medema l se troarà a gestir i dac personèi, ence se n cajo chi sensiboi, di bec enscinué e de sia families e l'é Titolèr del tratament; l tratament di dac l vegnarà fat a norma de lege, aldò di prinzipies de lezit e de giust e a na vida da stravardèr l secret di enteressé.

L Titolèr à nominà, aldò de l'art. 29 del D. Lgs. scrit de sora, i Responsàboi del tratament, la Federazion Provinzièla Scolines de Trent, te Strèda Degasperi, n. 34/1 e l/la Cordenador/a dependent/a de la Federazion medema competente per la Scola, che à l'esperienza, la capacità e la responsabilità domanedes da la lege per la defendura del tratament.

La enscinuazion/enscinuazion da nef o la enscinuazion dantfora e la frequenza a la Scolina no la é de òbligh, ma se la familia porta ite domana, vel dir che l Titolèr e i Responsàboi cogn meter a jir na lingia de operacions e ativitèdes, ence leèdes una co l'otra, pervedudes da despojizion normative generèles o de setor, da regolamenc, dal Statut, da la “Modalitèdes per l'enscinuazion” che à de besegn del tratament di dac personèi per consentir de sporjer i servijes domané. Chesta funziions les é de carater istituzionèl, aministratif, gestionèl, contàbol, organisatif, arsecuratif, educatif, pedagogich, didatich, de consulenza e de control.

I dac vegn duré canche vegn portà inant chela ativitèdes che l'é de besegn per arjonjer i obietives e la finalitèdes stabilides da la L.P. n. 13/1977 e m.f.d. e.i., soraldut l'art. 3 prezisa che la Scolina l'ha desche finalità l pien svilup de la personalità del bez e sia sozialisazion, tras sia educazion luran tel respet del maor doer e derit di genitores de tirèr sù e istruir i fies; fèsc besegn jir sorafora i condizionamenc sozièi, culturèi e ambientèi per ge arsecurèr a ogneun na concreta realizazion del derit al studie col ge sporjer a duc la valiva possibilità educativa; fèsc besegn portèr inant, mascimamenter, n nivel culturèl che duc à da arjonjer a la valiva vida e che vae dassen sorafora ogne sort de discriminazion ence per endrezèr per duc, coche carenea, n bon scomenz a la scola primèra; a chesta finalitèdes se ge rua ensema co la comunitèdes dal post e co la colaborazion de la families.

Vegn recordà che i dac personèi di bec e de sia families no vegn duré, metui fora o fac a saer per de altra rejons; situaziions o domanes particulères che cognessa vegnir fat via per l'an de scola les vegnarà metudes en consaputa di genitores enteressé e se provedarà a domanèr se n cajo n'otra autorisazion.

L tratament vegn fat sun papier, a man, con mesi mecanics, mecanisé e con strumenc informatics, con logiches leèdes a la finalitèdes de tratament e, aboncont, a na vida da arsecurèr l secret e la segurezza de la informaziions. L tratament vegnarà fat da chela persones che à ciapà l'encèria de l fèr. Desche ejempie vegn metù dant dotrei caji olache vegn durà i dac personèi, ence chi sensiboi, che revèrda i bec enscinué o sia families:

- per besegnes de control, acioche vegne aplicà coche carenea la despojizion normative e i criteries che regolea l setor de la Scolines tel binèr sù la enscinuaziions, la enscinuaziions da nef/la enscinuaziions dantfora e la frequenza;
- per fèr i documenc, la operacions e la prozedures che revèrda la regoeta, la elaborazion e la conservazion ti terminis de lege, la archiviazion e la descacelazion di dac contegnui te la domanes de enscinuazion/enscinuazion da nef o de enscinuazion dantfora (ence per l servije de sperlongiamet de l'orarie) di bec te la Scolina;
- per meter ite i dac di studenc, ence chi sensiboi, te l'Anagrafe provinzièla, con n program informatich, aldò de l'articol 111 de la L.P. n. 5/2006; per l tratament di dac te l'Anagrafe scritta de sora l Titolare l'é la Provincia Autonoma de Trent.
- per scriver e meter fora la listes di bec de chi che vegn domanà la enscinuazion;
- per la operacions che revèrda se n cajo la domanes de autorisazion per tor sù l personal insegnant suplent (domanes consentides da la families);
- per portèr inant la prozedures che revèrda la gestion di documenc de arsecurazion per i bec enscinué (per ejempie: per fèr l'arsecurazion tel cajo che i bec se fae del mèl);
- tel cajo de malatia del/la bez/a, aldò de chel che stabilesc l'Azienda Provinzièla per i Servijes Sanitères e la normes sanitères;
- per meter a jir ativitèdes inter extra – para scolastiches;
- per enjignèr documenc, materièl de papier, automatisà e informatich, che – aldò de despojiziions de lege, de regolamenc, de cordanzes, “Modalitèdes per l'enscinuazion” – les cogn vegnir fates a saer ai competenc

Servijes de la Provinzia Autonoma de Trent, opura a de altra Aministrazions canche l'è pervedù da la lege, regolament o despojizions a defendura de la sanità o de la segurezza;

- tel cajo de domana da pèrt de la familia de ejonero o de concors mender al paament de la speises pervedudes da la despojizion normative de setor (per l servije mensa o l servije de sperlongiament de l'orarie); canche serf la prejentazion de documentazions che podessa aer ite dac personèi, ence sensiboi, che revèrda la familia medema;
- per la ativitàes de informazion, de formazion, de consulenza, de coordinament pedagogich-didatic, che tol ite l personal de la Scolina, i membres del Comitad de Gestion, del Consei Diretif e i dependenc di Servijes competenc de la Federazion Provinzièla Scolines.
- per scriver ite la schedes e per sia gestion per l passaje a la Scola primèra;

Te caji specifichs, i dac che vegn dat i podarà vegnir fac a saer a particulèra categories de sogec chierii fora aldò de despojizions normative generèles e de setor, de regolamenc, dal statut, da la "Modalitàes de enscinuazion" e canche chest vegn fora da besegnes de gestion e de endrez en cont de la funziions jà dites. Chisc sogec é, per ejempie: i competenc Servijes de la Provinzia Autonoma de Trent, i Comuns, l'Azienda Provinzièla per i Servijes Sanitàres, i Ministres competenc con si Ofizies periferics, la Compagnies de arsegurazion, la Coprativa "B. Stefano Bellesini" de Trent, i colaboradores, i profescionisc o i studies profescionèi (per ejempie doctores, consulenc, formadores) e etres sogec de chi che l Titolèr o si Responsàboi pel se emprevaler per sporjer funziions de suport, de integrazion, o de didament a la ativitàes scrìtes dant.

Per chel che vèrda dac sensiboi che vegn gestii, fac a saer, sparpagné fora (i dac che palesa la reijes de raza e de etnia, la fe religiosa, filosofica o de altra sort, la opinion politiches, la partegnuda a partìc, sindacac, sociazions o gropes de carater religious, filosofich, politich o sindacal, e amò i dac personèi che serf a palesèr informazions su la sanità e la vita sessuèla), che vegn touc ite te la disciplina aldò de l'art. 26 del D. Lgs nominà, i vegn duré se pervedui da despojizions normative, generèles e de setor, da regolamenc, e da la "Modalitàes per la enscinuazion", canche chest fèsc besegn per sporjer i servijes de la Scolina e domané da la families, tel respet de la modalitèdes e di fins, determiné legitimes, jà nominé.

L conferiment di dac se l cogn fèr, donca Ve envion a voler ne dèr l consens al tratament di dac con ite ence chi sensiboi, ajache se l consens vegn refudà opura l no vegn retù sotscrit, podessa vegnir ferà la ativitàes che l'è da fèr e i servijes domané. Ge vegnarà fat a saer subito ai enteressé la eventuelà mudazions che revèrda l Titolèr, i Responsàboi, l tratament e l sparpagnament di dac e la categories di sogec a chi che i ge vegn fac a saer i dac.

Per tant che l'è compatibol se pel se emprevaler di deric pervedui da l'art. 7 del D Lgs n. 196 del 2003 desche dît soravia, per na costion de còmet vegn scrit dut l'articul entriech:

Art. 7. Derit de azzes ai dac personèi e etres deric

1. L'enteressà à derit de aer la conferma se l'è o no dac personèi che revèrda el medemo, ence se no i é amò stac registré, e che i ge vegne fac a saer a na vida chièra.
2. L'enteressà à derit de saer:
 - a) da olache vegn i dac personèi;
 - b) finalitèdes e modalitèdes del tratament;
 - c) con che criteries vegn gesti, l tratament fat col didament de strumenc eletronic;
 - d) i dac personèi del titolèr, di responsàboi e del raprejentant nominà aldò de l'articul 5, coma2;
 - e) en cont di sogec o de la categories de sogec a chi che pel ge vegnir fat a saer i dac o che i pel vegnir metui en consaputa desche raprejentant nominà tel teritorie del Stat, de responsàboi o de persona enciarièda.
3. L'enteressà à derit de aer:
 - a) l'aggiornament, la retifica e, canche l'è l'enteress, l'integrazion de la informazions
 - b) la possibilità de descancelèr, mudèr a na vida anonima, blochèr i dac traté en violazion de la lege, tout ite ence chi che no fèsc besegn i conservèr en referiment ai obietives per chi che i dac i é stac biné sù e dò traté;
 - c) l'atestazion che la operazions scrìtes te la letres a) e b) les é states fates a saer, ence per chel che revèrda sie contegnù, a chi che ge é stat comunicà i dac, tout fora l cajo che chest adempiment no l posse vegnir metù en esser o tel cajo che chest adempiment comporte n lurier massa gran respet al derit stravardà.
4. L'enteressà à derit de se meter de contra, en dut o en pèrt:
 - a) per rejon legitimes al tratament di dac personèi sun el medemo, ence se l'è giust e de òblighe che i sie stac biné sù;
 - b) al tratament di dac personèi sun el medemo per ge manèr materièl per reclam o per vèner zeche o per fèr enrescides de marcià o per slarièr fora informazion comerzièles.

Sotscrizion del/la enteressà/da

Da enjignèr jù te doi copies: una copia sotscrita la va retuda a l'Ent gestor e una copia la ge resta a l'enteressà.

